

Politička organizacija Narod i pravda

Goran Akšamija

Poslanik u Predstavničkom domu Parlamenta Federacije Bosne i Hercegovine
Sarajevo, 27.07.2020.

ZA:

BOSNA I HERCEGOVINA

FEDERACIJA BOSNE I HERCEGOVINE

PARLAMENT FEDERACIJE BOSNE I HERCEGOVINE

PREDSTAVNIČKI DOM

n/r Predsjedavajućeg PD Parlamenta F BiH

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 28-07-2020			
Org. jed.	B r o j	Prijava	Vrijednost
01	- 02 -	1405	20

XB

VLADA FEDERACIJE BOSNE I HERCEGOVINE
FEDERALNO MINISTARSTVO ZDRAVSTVA

PREDMET: Prijedlog Zakona o izmjenama i dopunama Zakona o zaštiti stanovništva od zaraznih bolesti F BiH – skraćeni postupak

Poštovani,

U skladu sa članovima 11., 163., 172., i 179. Poslovnika o radu Predstavničkog doma Parlamenta Federacije Bosne i Hercegovine („Službene novine Federacije BiH“, br. 69/07 i 2/08), upućujem Vam radi razmatranja po skraćenom postupku Prijedlog Zakona o izmjenama i dopunama Zakona o zaštiti stanovništva od zaraznih bolesti („Službene novine Federacije BiH“, br. 29/05).

Postupajući u skladu s odredbom člana 172. Poslovnika Predstavničkog doma Parlamenta Federacije Bosne i Hercegovine predlažemo donošenje ovog zakona po skraćenom postupku. Kao osnovni razlog za donošenje ovog zakona po skraćenom postupku navodimo da se u konkretnom slučaju ne radi o složenom i obimnom zakonu te da su u tom smislu ispunjeni uvjeti iz navedenog člana, kao i člana 164. Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03 i 21/09).



Goran Akšamija

BOSNA I HERCEGOVINA

FEDERACIJA BOSNE I HERCEGOVINE

VLADA

PRIJEDLOG

ZAKON

O IZMJENAMA I DOPUNAMA ZAKONA O ZAŠTITI STANOVNIŠTVA OD ZARAZNIH BOLESTI

Sarajevo, juli 2020. godine

Član 1.

U članu 8. u navedenom prikazu zaraznih bolesti pod R.B. 11 (iza bruceloze) dodaje se oboljenje „COVID-19 uzrokovano virusom SARS-CoV-2“, a slijedeća navedena oboljenja pomjeraju se za jedan redni broj po postojećem redosljedu.

Član 2.

U članu 13. stav 2. tačka a) iza riječi: „SARS“, dodaju se riječi: „bolesti COVID-19 uzrokovane virusom SARS-CoV-2“.

Član 3.

U članu 14. stav 1. iza riječi: „SARS“, dodaju se riječi: „bolesti COVID-19 uzrokovane virusom SARS-CoV-2“.

Član 4.

U članu 16. stav 2. iza riječi: „SARS“, dodaju se riječi: „bolesti COVID-19 uzrokovane virusom SARS-CoV-2“.

Član 5.

U članu 20. stav 1. iza riječi „SARS-a“, dodaju se riječi: „bolesti COVID-19 uzrokovane virusom SARS-CoV-2“.

Član 6.

U članu 46. stav 1. iza riječi „SARS“, dodaju se riječi: „bolesti COVID-19 uzrokovane virusom SARS-CoV-2“.

Član 7.

U članu 48. stav 1. iza riječi „SARS-a“, dodaju se riječi: „bolesti COVID-19 uzrokovane virusom SARS-CoV-2“.

Član 8.

U članu 56. stav 2. iza riječi „žutom groznicom“ briše se „i“ i dodaje zarez, a iza riječi „SARS-om“, dodaju se riječi: „i bolesti COVID-19 uzrokovane virusom SARS-CoV-2“.

Član 9.

U članu 63. iza riječi „SARS-a“ briše se „i“ i dodaje zarez, a iza toga dodaju se riječi: „bolesti COVID-19 uzrokovane virusom SARS-CoV-2“.

Član 10.

U članu 70. dodaje se stav 9. koji glasi:

„ ako se ne pridržava propisanih sigurnosnih mjera za zaštitu stanovništva od zaraznih bolesti i svih određenih mjera izolacije od strane nadležnog organa“.

Član 11.

Ovaj zakon stupa na snagu narednog dana od dana objave u „Službenim novinama Federacije BiH“.

OBRAZLOŽENJE

ZAKONA O IZMJENAMA I DOPUNAMA ZAKONA O ZAŠTITI STANOVNIŠTVA OD ZARAZNIH BOLESTI

I – USTAVNI OSNOV

Ustavni osnov za donošenje ovog zakona sadržan je u članu III.2 tačka b) Ustava Federacije Bosne i Hercegovine, prema kojima je u zajedničkoj nadležnosti Federacije i Kantona donošenje propisa o zdravstvu, a Parlament Federacije uz ostala ovlaštenja predviđena Ustavom, odgovoran je za donošenje zakona kojima se regulišu pitanja vezana za organizaciju zdravstva i zdravstvene zaštite u F BiH.

II – RAZLOZI ZA DONOŠENJE

Postojećim Zakonom o zaštiti stanovništva od zaraznih bolesti F BiH („Službene novine Federacije BiH“, br. 29/05) u listu zaraznih bolesti nije uvrštena „bolest COVID-19 uzrokovana virusom SARS-CoV-2“. Obzirom na proglašenu pandemiju ove bolesti od strane WHO i dugotrajnost iste, kao i njeno stalno širenje i eksponencijalni rast oboljelih sa vjerovatnom daljom progresijom u dužem periodu, neophodno je uvrstiti ovo zarazno oboljenje u postojeći zakon u cilju efikasne borbe protiv istog i poduzimanja svih potrebnih mjera propisanih ovim zakonom. Ovom pravnom izmjenom sve odredbe postojećeg zakona odnosile bi se i na ovo oboljenje u cilju prevencije, sprječavanja daljeg širenja i izricanja odgovarajućih kaznenih sankcija koje su neophodne u ovakvim situacijama za nepoštivaoca zakonskih propisa.

III – OBRAZLOŽENJE PREDLOŽENIH PRAVNIH RJEŠENJA

Član 1. Ovom izmjenom dopunjuje se lista zaraznih bolesti u postojećem zakonu sa bolesti Covid-19 uzrokovane virusom SARS-CoV-2, koja u velikom broju slučajeva izaziva teške oblike oboljenja sa mogućim komplikacijama i smrtnim ishodom, te se omogućuje primjena ovog zakona u cilju sprovođenja adekvatnih i zakonskih mjera u borbi protiv ovog oboljenja.

Član 2. Ovom dopunom dozvoljava se epidemiološko ispitivanje (anketiranje) radi ranog otkrivanja izvora zaraze bolesti COVID-19 i puteva prenošenja zaraze od strane zdravstvenih ustanova.

Član 3. Ovom dopunom omogućuje se i dozvoljava laboratorijska izolacija i identifikacija uzročnika ovog oboljenja radi utvrđivanja konačne dijagnoze od strane zdravstvenih ustanova, odnosno specijaliziranih (ovlaštenih) laboratorija u Federaciji BiH.

Član 4. Ovom dopunom bolest Covid-19 uzrokovana virusom SARS-CoV-2 podliježe obaveznoj prijavi Federalnom i nadležnom Kantonalnom zavodu od strane svih zdravstvenih ustanova.

Član 5. Ovom dopunom definiše se način prijevoza pacijenta kod ove bolesti uz uvjete koji onemogućuju dalje širenje zaraze.

Član 6. Ovom dopunom omogućuje se zakonom propisano zadržavanje u karantinu za lica koja su bila ili se sumnja da su bila u kontaktu sa licima koja imaju COVID-19 uzrokovan virusom SARS-CoV-2.

Član 7. Ovom dopunom definiše se mogućnost zdravstvenog nadzora i načinu sprovođenja istog kod lica sa pozitivnim epidemiološkim izvještajem za ovo oboljenje.

Član 8. Ovom dopunom omogućuje se sanitarni nadzor na granici kod sumnje na oboljenje COVID-19 i poduzimanje propisanih mjera protiv zaraznih bolesti u skladu sa ovim zakonom i obavezama po međunarodnim sanitarnim konvencijama i drugim međunarodnim ugovorima.

Član 9. Ovom dopunom definiše se osiguranje materijalnih sredstava na teret Federacije za vršenje sanitarnog nadzora bolesti COVID-19, karantina, nabavki vakcina i imunizacije stanovništva, kao i sprovođenja drugih mjera za suzbijanje bolesti.

Član 10. Ovom dopunom omogućuje se zakonska primjena kaznenih sankcija za fizička lica koja se ne pridržavaju propisanih sigurnosnih mjera za zaštitu stanovništva od zaraznih bolesti.

Član 11. Ovim članom se određuje stupanje na snagu ovog zakona.

IV – FINANSIJSKA SREDSTVA

Za provođenje ovog zakona potrebno je obezbjediti dodatna finansijska sredstva iz Budžeta Federacije BiH koja zavise od potreba za usklađivanjem i ispunjavanjem propisanih protivepidemijskih mjera i broja oboljelih od bolesti COVID-19 uzrokovane virusom SARS-Cov-2.



Goran Akšamija